

JU SREDNJA ELEKTROTEHNIČKA ŠKOLA

SARAJEVO

ETIČKI KODEKS
Ekskurzije učenika

Sarajevo, april 2023. godine

Na osnovu člana 61. Pravilnika o organizaciji i realizaciji izleta, studijskih posjeta, ekskurzija, kampovanja/ logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj 15/22) i člana 150 Pravila škole JU SREDNJA ELEKTROTEHNIČKA ŠKOLA SARAJEVO, Školski odbor JU Srednja elektrotehnička škola Sarajevo na sjednici održanoj dana 27.04.2023. godine donosi:

ETIČKI KODEKS

Etičkim kodeksom učesnika na ekskurziji JU SREDNJA ELEKTROTEHNIČKA ŠKOLA SARAJEVO, propisuju se etička načela i pravila ponašanja kojih se trebaju pridržavati učenici, nastavnici i ostali učesnici u međusobnim odnosima i u odnosima sa drugim osobama s kojima ostvaruju kontakt u toku ekskurzije, a u skladu sa ličnim dostojanstvom i ugledom Škole.

1. OPŠTE ODREDBE

Član 1.

Etičkim kodeksom propisuje se skup pravila, odnosno etičkih načela i principa, kojih se moraju pridržavati svi neposredni subjekti uključeni u proces realizacije Programa ekskurzije.

Član 2.

Svi učenici i roditelji/staratelji učenika koji učestvuju u realizaciji ekskurzije bit će upoznati s Etičkim kodeksom i pravilima ponašanja.

Član 3.

Nastavnici koji su realizatori Programa ekskurzije dužni su u svom radu postupati savjesno i odgovorno prema pravilima struke i u skladu sa temeljnim načelima humanosti, moralnosti, te vrijednosti zaštićenih međunarodnim pravom, naročito vodeći računa o pravima djece.

2. TEMELJNA NAČELA

Član 4.

Načelo neometanog uživanja prava

Škola je obavezna svakom subjektu koji učestvuje u realizaciji odgojno-obrazovnog rada odnosno ekskurzije osigurati uživanje svih ljudskih prava te poštivanje prava zagarantovanih Ustavom i zakonima Bosne i Hercegovine.

Član 5.

Načelo poštovanja integriteta i dostojanstva osobe

Svi učesnici ekskurzije (učenici, nastavno osoblje, predstavnici Agencije, hotelsko i ugostiteljsko osoblje, graničari, carinici i druga lica) moraju biti poštovani kao osobe u skladu sa zagarantovanim pravima na život, integritet i dostojanstvo. Svim učesnicima ekskurzije mora biti osigurano pravo na privatnost.

Član 6.

Načelo jednakosti i pravednosti

- (1) Svi učesnici ekskurzije treba da se ponašaju u skladu sa načelom jednakosti i pravednosti na način koji isključuje svaki oblik diskriminacije, zlostavljanje, uznemiravanje ili iskorištavanje.
- (2) U skladu sa načelima ovog Etičkog kodeksa, nedopustiv je svaki oblik neposredne i posredne diskriminacije zasnovan na religiji, etničkoj i nacionalnoj pripadnosti, rasi, spolu, materijalnom stanju, porijeku, fizičkom izgledu i zdravstvenom stanju.
- (3) Zabranjena je svaka vrsta uznemiravanja između svih učesnika ekskurzije. Uznemiravanje podrazumjeva svako neprimjereno ponašanje prema drugoj osobi kojem je cilj ili koje stvarno znači povredu ličnog dostojanstva. Neprihvatljivo je i svako spolno uznemiravanje.
- (4) Stogo je zabranjeno nasilje i zlostavljanje svih osoba koji na bilo koji način učestvuju u realizaciji ekskurzije. Pod nasiljem i zlostavljanjem podrazumjeva se svako ponašanje koje ugrožava zdravlje, razvoj i dostojanstvo svih učesnika ekskurzije, bez obzira da li je učinjeno samo jednom ili se ponavlja.

Član 7.

Pravo na slobodu mišljenja i izražavanje

Svi učesnici ekskurzije imaju slobodu mišljenja i izražavanja kao osnovnu vrijednost u svim segmentima života i rada

3. OBAVEZE UČESNIKA

Član 8.

Obaveze nastavnika, vođe puta

- (1) Pravovremeno upoznavanje učenika sa Programom ekskurzije učenika koji su planirani Godišnjim programom rada škole, odlukom Nastavničkog vijeća ili odobrenjem direktora škole.
- (2) Pravovremeno upoznavanje roditelja sa Programom ekskurzije učenika koji su planirani Godišnjim programom rada škole, odlukom Nastavničkog vijeća ili odobrenjem direktora škole.
- (3) Vođa puta ekskurzije učenika dužan je voditi Dnevnik projektnih aktivnosti.
- (4) Pribavljanje pismene saglasnosti roditelja kojom se prihvataju opći uslovi putovanja, program putovanja i daje saglasnost za učešće učenika u konkretnom obliku odgojno-obrazovnog rada.
- (5) Planskom upoznavanju učenika i roditelja sa Etičkim kodeksom Programa ekskurzije učenika na časovima odjeljenske zajednice, odnosno na roditeljskim sastancima.
- (6) Upoznavanje učenika sa pravilima sigurnosti i zaštite od socijalno neprihvatljivih oblika ponašanja, diskriminacije, neprijateljstva i svih oblika nasilja sa posebnim osvrtom na vršnjačko nasilje.
- (7) Edukaciji učenika s ciljem aktivnog doprinosa učenika u procesu realizacije,
- (8) Razrednici ili osobe koje su po ovlaštenju direktora zadužene za određenu grupu učenika, dužni su imati podatke o svakom učeniku zadužene grupe. Podaci o učeniku se evidentiraju na propisanom obrascu (Obrazac 1 i Obrazac 2)

Član 9.

Obaveze agencije, škole

- (1) Obaveza agencije ili škole da svim učesnicima ugovori putničko i zdravstveno osiguranje.
- (2) Škola i agencija su dužne da osiguraju tajnost podataka o zdravstvenim i drugim specifičnim potrebama učenika i ostalih učesnika ekskurzije.
- (3) Agencija, škola i odgovorna osoba na ekskurziji imaju obavezu da preduzmu sve potrebne aktivnosti u cilju ostvarenja zdravstvene i druge zaštite učenika i ostalih učesnika.
- (4) Turistička agencija, je obavezna da sve vrijeme realizacije ekskurzije učenika na vidnom mjestu istakne osnovne podatke o ekskurziji (obilježje naše države, podatke o smještaju, kontakt predstavnika agencije i sl.).

Član 10.

Obaveze roditelja/ staratelja učenika

- (1) Dati nastavniku broj telefona na koji ga može kontaktirati u slučaju potrebe.
- (2) Uputiti svoje dijete i upozoriti ga na norme društveno prihvatljivog ponašanja, moguće opasnosti, zabranu korištenja alkohola, opijata, nikotina i narkotika.
- (3) Prihvatiti obavezu dolaska po svoje dijete u slučaju bolesti ili težih povreda određenih pravila. (Obrazac 3)
- (4) Snositi finansijsku odgovornost za štetu za koju je počinilo njegovo dijete.
- (5) Obaveza roditelja/staratelja učenika da blagovremeno upoznaju nosioce aktivnosti organizacije i realizacije ekskurzije, o zdravstvenom stanju i sklonostima njihove djece, odnosno učenika.
- (6) Obaveza roditelja/staratelja učenika da dostave školi zdravstveni list učenika koji sadrži podatke o zdravstvenom, fizičkom i psihičkom stanju učenika, a izdaje ga ordinirajući ljekar javne zdravstvene ustanove na osnovu zdravstvenog kartona.

4. PRINCIPI PONAŠANJA UČESNIKA

Član 11.

Principi ponašanja nastavnika

- (1) Da poduzmu sve aktivnosti u cilju sigurnosti i zaštite od socijalno neprihvatljivih oblika ponašanja, diskriminacije, neprijateljstva i svih oblika nasilja sa posebnim osvrtom na vršnjačko nasilje.
- (2) Nastojati pokazati primjer poštivanja društvenih vrijednosti kao što su velikodušnost, nesebičnost, objektivnost, odgovornost, otvorenost.
- (3) Njegovati poštivanje i povjerenje prema učenicima i drugim osobama.
- (4) Pristojno se oblačiti.
- (5) Preduzimati sve aktivnosti u cilju ostvarenja zdravstvene i druge zaštite učenika.

- (6) Zatražiti potporu i pomoć u slučaju da zdravlje i sigurnost učenika bude ugroženo.
- (7) Shvatiti ulogu i funkciju ostalih subjekata realizacije Programa ekskurzije – vodiči, predstavnici agencije, roditelji, i trebaju da imaju saradnički odnos koji je u interesu djeteta.
- (8) Osigurati roditeljima informacije prije i poslije Programa realizacije ekskurzije
- (9) Prijaviti će ukoliko primjeti kako neko od subjekata svojim ponašanjem krši Etički kodeks.

Član 12.

Principi ponašanja učenika

- (1) Poštivati i tretirati druge onako kako bi i sami htjeli biti poštovani i tretirani.
- (2) Slušati upute nastavnika i drugih učesnika, a koje se odnose kako na obrazovne zadatke tako i na vladanje.
- (3) Sudjelovati u svim predviđenim aktivnostima.
- (4) Odupirati se nagovaranju od strane vršnjaka ili osobnim porivima nepristojnosti, grubosti i neljubaznosti na bilo kojoj osnovi.
- (5) Odupirati se nagovaranju od strane vršnjaka ili osobnim porivima da budu nasilni prema drugoj osobi, te će odmah prijaviti nastavniku ili drugoj odrasloj osobi ako sami budu podvrgnuti nasilju ili vide nasilje nad drugim.
- (6) Uvijek se brižno odnositi prema ličnoj i imovini drugih.
- (7) Oblačiti se pristojno.
- (8) Voditi brigu o ličnoj higijeni i higijeni prostora.
- (9) Poštivati i ne odnositi se uvredljivo i nepristojno prema nastavnicima, predstavnicima Agencije,
- (10) Ne konzumirati duhan, alkohol, opojna sredstva.
- (11) Ne nositi opasne predmete sa sobom (nož, čekića i sl.)

5. OGRANIČAVANJE UČEŠĆA UČENIKA

Član 13

- (1) Škola je obavezna preventivno djelovati u smislu zaštite učesnika od socijalno neprihvatljivih oblika ponašanja, neprijateljstva i svih oblika nasilja sa posebnim osvrtom na vršnjačko nasilje, te u tom smislu zabraniti učešće učenicima koji imaju sniženo vladanje.
- (2) Ako učenik zbog zdravstvenog stanja ne može sudjelovati u realizaciji određenog oblika odgojno – obrazovnog rada ili bi sudjelovanje škodilo njegovom zdravlju, ne može biti uključen u Program ekskurzije, u cilju zdravstvenog zaštite učenika uz prezentiranje nalaza ljekara specijaliste, koji izdaje javna zdravstvena ustanova, a roditelj dostavlja nastavniku i/ili vodi ekskurzije
- (3) Učenicima kod kojih su uočeni tokom redovne nastave, izleta, ekskurzija, razmjene učenika i sl. aktivnosti zdravstvene tegobe, uz prethodnu saradnju sa roditeljima, zbog odgovornosti nastavnika Nastavničko vijeće ne odobrava odlazak na ove vannastavne aktivnosti.

6. NEPOŠTIVANJE ETIČKOG KODEKSA

Član 14.

(1) Kršenje odredbi Etičkog kodeksa Programa ekskurzije predstavlja osnov za pokretanje disciplinskog postupka za učenike i nastavnike, jedan od razloga neispunjavanja minimalnih kvalifikacijskih zahtjeva za agenciju.

(2) Nadzor za poštivanje Etičkog kodeksa vrši direktor škole ili osoba koju direktor odredi Rješenjem.

7. STUPANJE NA SNAGU ETIČKOG KODEKSA

Član 15.

Etički kodeks stupa na snagu naredni dan nakon usvajanja od strane školskog odbora Srednje elektrotehničke škole Sarajevo.

Sarajevo, 27.04.2023. godine

Predsjednik Školskog odbora

Doc. Dr. Asaf Sarajlić, dipl.el.ing

Obrazac 1

OSNOVNI PODACI O UČENIKU/UČENICI, UČESNIKU EKSKURZIJE

Prezime i ime učenika/ce: _____

Prezime i ime oba roditelja: _____

Adresa stanovanja: _____

Kontakt telefoni roditelja (kućni, mobilni oba roditelja i telefoni roditelja na poslu): _____

Podaci o učeniku vezani za eventualne bolesti, specifičnosti prehrane, religijske običaje i sl.:

Svi podaci upisani u ovaj obrazac su povjerljivi i za njih je odgovorna zadužena osoba!

Razrednik ili osoba zadužena za grupu od strane direktora: _____

Obrazac 2

OSNOVNI PODACI O UČENIKU/UČENICI, UČESNIKU EKSKURZIJE

	Ime i prezime učenika	Br.tel.učenika i roditelja	Podaci o učeniku vezani za eventualne bolesti, specifičnosti
1.			
2.			
3.			
4.			
5.			
6.			
7.			
8.			
9.			
10.			
11.			
12.			
13.			
14.			
15.			
16.			
17.			
18.			
19.			
20.			
21.			
22.			
23.			
24.			
25.			
26.			

Napomena:

Svi upisani podaci u ovaj obrazac su povjerljivi i za njih je odgovorna zadužena osoba!

Razrednik ili osoba zadužena za grupu od strane direktora _____

Obrazac 3

SREDNJA ELEKTROTEHNIČKA ŠKOLA

SARAJEVO

Sarajevo, _____ godine

IZJAVA

Obavezujem se da ću u slučaju učinjene materijalne i druge štete moga djeteta

(ime i prezime djeteta/učenika)

na ekskurziji od _____ god. do _____ god. u

(period trajanja ekskurzije)

(destinacija)

snositi troškove učinjene štete.

Za teže povrede učeničke dužnosti, spreman sam doći, na poziv vođe puta, po svoje dijete koje se nalazi na ekskurziji.

POTPIS UČENIKA

POTPIS RODITELJA
